



DIARIO ARUBANO

Arubaanse Courant

Diahuebs 12 di December 1963

Maria di Seri'Noka den teatro aire liber experimento exitoso

Santa Cruz, 10 december.

Mas cu 500 0 hende a goza Diadomingo di e promer presentacion di e comedia titula Maria di Seri'Noka cual a worde presenta door di e grupo di comedia Arubano Mascaruba den e teatro na aire liber na Santa Cruz, Teatro Seri'Noka. E presentacion aki di un comedia na aire liber, cual na Aruba ta un experimento endudablemente por worde yama un exito, apesar di algun fallonan tecnico cual de bez en cuanda a tuma lugar durante e promer anochi. Unicamente fallonan tecnico nos por bisa como cu e actornan cada uno a muestra un gran dominio di nan rol, cual en total a duna un comedia hunga na un manera liher y excelente.

Lastima cu hopi hende no a mira e comedia manera cu nan lo tabata kier pa motibo cu e lugarnan tabata mucho yen. Hopi tabatin di keda para of sinta na un lugar caminda nan a mira e comedia parcialmente. Banda di nob'or sr. Boy Escalona e narador di e anochi cu a haci un trabao formidabel a introduci a storia di e comedia na e presentenan, e.o. depuradonan, miembronan di ellandsraad y cleronan. Segun e comedia tabata continua el a conta e storia di un hobencita cu na chiquito ta worde batiza katholico pero despues ora cu e bira grandi door di contratiempo y desgusto ta dicidi di busca yudanza cerca diablo. ASINA Maria di Seri'Noka pa siete anja largo ta biba cu e diablo cu a transforma su mes den figura di hende y ta yama su mes Diego Tortin. Siete anja largo Diego Tortin yuda pa su spiritunan infernal ta usa Maria como un instrument pa gana tanto alma cu ta posibel pa fierno. Apesar di hopi busca mento di e padrina di Maria, e cacique Galmir e no ta logra hanja su lha back durante e siete anjanan, pero un dia Maria no por risisti mas y kier bai bishita su hendenan entre otro Galmir. Ora cu e bolbe for di Santo Domingo pa Aruba, despues di mira un procesion e ta hanja arripentimento di su maldadnan y ta binden conflicto cu Diego Tortin e satanas cu a consecuencia di tur cos kier gana e alma di Maria. E ta purba mata pero e no ta logra. Despues e ta purba kita Galmir for di caminda como cu e ta considera esaki como esun cu ta strobe di gana alma di Maria door di su debocion y rezamento pa su lha. Alfin Galmir ta domina satanas y ta hiba Maria te Roma cerca Papa pa e busca pordon. Maria ta hanja un penitencia masha pisa cual door di un milager e ta logra cumpli y asina ta hanja pordon pa su picanan.

Lula Marchena kende a hunga e papel di Maria, tabatin un rol cu casi nan por bisa tabata traha pe. Cu cada acto Lula tabatin e sympatia di e mironesnan, no unicamente pa motibo di e rol trahico cual e tabata hunga, pero endudablemente door di e manera realistico cu e tabata hunga esaki. Hunto cu sr. OSLIN Boekhoudt kende a hunga pa e Satanas e pareha aki, kendenan tabatin e rolnan principal di e co-

media a forma e centro di e grupo di e comedia aki. Senyor Boekhoudt no tabatin un rol facil. Of e tabata Satanas den figura di Don Juan, debedor y muherero. Tur e papelnan aki sr. Boekhoudt a interpreta excelentemente. Domi Tromp como e cacique Galmir, e homber luchador pa su lha Maria, ta muestra un di e hefenan di antes kende ta exhi respect di tur otro ciudadano pero cu pa Dios ta baha cabez y ta para cla pa lucha cu satanas. Tambe e otro actornan manera Christina de Freitas comotant pleitista, kendenan anteriormen te diferente blaha nos amira hun-

ga un of otro rol den anterior comediano di Mascaruba a muestra nan calidad como hungadornan di comedia. Cu combinacion di e coro Vivons en Chantant e grupo di baile di Geechi Pieters, e comedia a forma un completo agrupacion cu endudablemente lo cosecha hopi exito cu e resto di actuacion, mescos of mas mihor ainda cu Diadomingo anochi, manera e fluitmento di loudspeakers den cendemento di cierto luznan mucho tempran of papiamento of gritamento cu ta forma estorbo pa e actornan y oyentenan tras di e tereno caminda tabata worde actua. Pero un blaha mas nos ta bisa cu esaki ta promer presentacion di tal caliber y di tal forma den un teatro na aire liber na Aruba, cual apesar di estorbonan chiquito tabata un gran exito, cual siguramente ta e corona ariba e trabou di e regisor di Sticusa cu a dirigi e comedia aki, esta e trabao di e regisor di Sticusa encansabel di Mascaruba den e ultimo anjanan. Na fin di e comedia Lula Marchena a ricibi merecidamente un boeket for di Boy Escalona.

Apertura di "Cosy Corner" na San Nicolas diasabra

San Nicolas, 12 di December. Diasabra atardi lo tuma lugar den D. van der Veen Zeppenveltstraat na San Nicolas apertura di SODA Bar "Cosy Corner" Proprietaria di e lugar nobo ta senjora Francisca Donati, cu lo tené un recepcion for di 6'or te 8 or p.m. Despues e soda bar lo ta habri un ora mas pa e publico.


E torneo di Domino pa Statuutbeker

Oranjestad, 11 December. Dialuna anochi a tuma lugar e segundo parti di e promer vuelta di e torneo di domino valido pa e statuutbeker cual a worde organisa door di Sport en Sociale Vereniging der Arubaanse Posterijen. E promer parti di e torneo a tuma lugar Diasabra ultimo na a dera Club caminda un gran cantidad di persona a presencia e apertura di e torneo. Durante e geganan cu a tuma lugar Dialuna anochi na POVA y na Douane Club tambe tabatin un gran cantidad di interesadonan cu sigui e weganan yen di enthousiasmo.

FATUM - Tel: 1845
pa tur bo aseguronan

Na PAVO a encontra otro D. O.W. y Landsontvanger, D.O.W. a sali victorioso cu 21 punto contra 20. Bestuurskantoor y Politie cu tambe a topa cu otro na PAVO a laga marca 21 pa 15. Na Douane Club Posterijen a gana na Douane cu e minimo score di 21 pa 20 y Bevolking / Burgelijke stand & Onderwijs a gana Telegraaf en Radio dienst cu un score di 21 pa 19. E siguiente encuentro lo ta entre WEB-Justitie, Gezondheidsdienst - Huis van Bewaring - (Prison Dakota), Bestuurskantoor - DOW, y Posterijen - Bevolking / Burgelijke stand & Onderwijs.

Maytag



De ideale gegarandeerde
AUTOMATISCHE
wasmachine

- * Speciale bescherming tegen roest en schadelijke waterin-vloeden.
- * Watertemperatuur controle.

Palais Royal Aruba N.V.

Durante un picnic dansant dia 15 venidero for di 11 or di mainta te 6'or di atardi e copa lo worde entrega na e ganador.

H.W. Fischer, vice-president Standard Oil: "These plants symbolize the courage and vision of the Aruban government".

HUMA UN CIGARIA
VERDADERO
HUMA UN
CAMEL



FAVORITO DI ARUBA

COMPETITIE A.V.B.

Awenochi pa 7.30 den WILHELMINA STADION

VS.

SANTA - FE

(A-KLASSE)

LUCKY- STAR

Entrada general f. 0.50

Mucha mitar prijs



Proposicion di Ministro C.D. Kroon na Staten

Oranjestad, 12 December.

Ministro di Asuntonan Social y Economico, C.D. Kroon a aserca Staten cu un proposicion pa yuda e obreronan Antillano cu kier bai traha na Hulanda cu nan problemanan financiero. Pues empresanan na Hulanda manera Brons werk cu kier tuma Antillano nan den servicio a declara di lo no paga gasto di transportacion y panja. E gastonan aki en total ta mas o menos 400 florin pa persona. Como cu esnan cu kier bai traha majoria parti no por paga e gastonan aki, ministro a propone na Staten pa regala cada obrero cu ta bai un suma di 150 y fia cada uno 250 florin, cual tin di wordepaga den un termino di 12 luna. Na promer instancia 50 te 100 obrero lo hanja e oportunidad pa bai Hulanda. Den su carta ministro ta sigui bisa:

"Ora cu tin un cantidad basta grandi di trahadornan Antillano na Hulanda, gobierno ta di opinion, cu no por laga di pone un trahador social, cu lo yuda e obreronan cu conseho y echo. Sperando riba esaki, gobierno ta di opinion, cu di otro manera esaki por worde haci, esta door di encarga un ambtenaar Antillano cu ta biba na Hulanda cu pension cu esaki.

Trupialen ta presenta

teatro comico awor

Oranjestad, 12 December.

Diasabra awor TRUPIALEN ta presenta den nan club aire-acondicionado e

TEATRO COMICO

Actornan ta POCHI cu ta papia i haci manera hende.....

E PROGRAMA: TA

1. Buchi Jaanchi dilanti Juez (un acto)
2. Shon Fé i su caha di oro (un acto)
3. Pustamentodi Compa Nanzi (un acto)
4. Heks Kinipina i Heintje Tamarijntje (dos acto)

E ta tuma lugar diasabra 14 di december na

CLUBHUIS DI DE TRUPIALEN (La Sallestraat) promer funcion: 3' or '30 (kaarchi color geel) di dos funcion: 5' or (kaarchi color oranje).

Miembronan di e Teatro Comico: ROY SNEEK - director
DONNY PIETERSZ
PEDRO VALENTIJN
JORGE MEDINA
W. TJON AJONG
ALBERT GRIJT
ALMER PIETERS
JEAN TROMP
DANI TROMP.

Saludos di Hulanda

Oranjestad, 10 di December.

Diarazon anochi pa un cuarto pa siete por scucha via Radio Kelkboom e programma Saludos for di Hulanda. Por scucha voznan di damanan: Reina van Vuuren; Linda Richards, Yvonne Martha, Patricia Scott y Lillian Marsden. Un repeticion di e programma aki lo tuma lugar diasabra anochi pa 6.30.

E gastonan total-salario y biaha-den e caso aki lo no tin modi di pasa 400 florin pa anja. Anto ora cu e instituto di e personanan cu ta traha na Hulanda a desaroya asina tanto, cu e trabao social ta un full-time job, por dicidi pa pone un trahador social diplomá.

Mi kier suplica pa aproba, gobierno antes di e "voting" cu tin di bai tuma luga ainda door di Staten, e suma necesario ya worde duna.

Atrobe "Statuutspel" pa

muchanan di school

Oranjestad, 12 December.

E dia di Reinado ta dilanti porta y manera tur anja e anja aki tambe na ocasion di e dia aki, Gpbierno lo organisa un "Statuutspel" pa e muchanan di school.

E muchanan cu por participa ta alumnonan di:
a. promer tres klasnan di schoolnan di segunda ensenanza.
b. for di 7 te 10 klas di MULC
c. schoolnan technico
d. huishoudschoolnan
e. e dos klasnan di mas halto di schoolnan menor di Bonaire, St. Maarten, Saba y St. Eustatius.

Asina cu e anja aki e alumnanan di huishoudschoolnan tambe por participa. Tambe e "Statuutspel" aki ta worde prepara pa medio di porretnan cu tin algo di haci cu e desaroyo di Estado, mientras tambe cu e desaroyo economico lo forma parti.

Den un tekst bao di cada potret lo tin un fecha di cierto acontecimiento cu a tuma lugar. For di ariba un di e ultimo paginan di e statuutspel, caminda tin un tabel di anjanan, lunanan y dianan, e alumnonan mester saka e fecha exacto ariba cual eacontecimiento di cual ta trata, a tuma lugar. E fecha aki tin di worde yena ariba un formulario di e "Statuutspel". Ya e schoolnan a hanja e exemplaarnan di e Statuutspel cu e formulario. E alumnonan tin di entrega nan formularionan den un envelope sera serca nan maestro. Ariba e envelope mester scribi number di e school, number di e klas y number di e alumno ariba e lista di klas. E envelopnan ta worde entrega e ora na e hefe di school kende tin di percura pa e envelopnan worde manda pa e hefe di Servicio Informativo di Gobierno, na Zoutmanstraat, Oranjestad, no mas laat cu dia 21 di December 1963. E prijsnan ta worde duna como lo siguiente: Den e studio di Tele-Aruba durante un programa especial e sorteo di e ganadornan lo tuma lugar. Di Aruba 5 ganador lo worde escohi, mientras cu for di Corsow 10 y e otro islanan cada uno 2. E premio pa e ganadornan di Aruba y Corsow lo ta estadía di un dia na respectivamente Corsow y Aruba.

Na Bonaire y St. Maarten esun cu gana e promer premio lo hanja un bicicleta y esun cu gana di dos premio un holoshi di man. Na Saba y St. Eustatius e ganador di promer premio y esun di dos lo hanja respectivamente un radio-transistor di man.

YABI

Pa bo éxito!



Miembronan CLASC ta bini Aruba

Oranjestad, 12 December.

Ayera mainta senior E. Maduro, representante di Confederacion Latino Americano di Sindicatos Cristiano (CLASC) a ricibi un telegram for di Caracas Venezuela den cual e ta worde participa cu cuater miembro di e organizacion menciona lo yega Aruba Diarazon venidero. E personanan cu lo bini ta sr. Ruiz Polance miembro di directiva di Fedepetrol y CLASC na Venezuela, senior Emilio Maspero, secretario ehecutivo di CLASC pa e zona di Caribe, sr. Elie Aponte, miembro di Confederacion di Trabadores Venezolano (C.T.V.) y miembro di CLASC sr. Ventura Quere, miembro di directiva di Fedepetrol y CLASC. Segun ta worde spera e representantenan aki di CLASC lo keda algun dia na Aruba pa tratamiento di e presupuesto di y pa orientacion ariba tereno sindical na Aruba.

Jong Aruba a gana Aruba Jrs. 4 pa 1

(Di Nos Redactor Deportivo)

Cu score di 4 pa 1, Jong Aruba a derrota Aruba Jrs diasabra anochi den Wilhelminastadion. Na halftime mediante un corner di Juan Kemp Aruba Jrs tabata tin un ventaha di un gol pa cero. Durante e segundo tempo sinembargo e veloz muchanan di Noord a impone anotando den cuatro ocasion pa gana e partido. Respectivamente nan golnan a worde anota door di Cecilio Farro, Valle de Kort, Ren Gomez y Vicente Roza. Pa Jong Aruba esaki ta nan tercer triunfo den ocho salida y nan tin awor 7 punto pa empaten puestonumber cuatro cu Juventud Millonarios y San Nicolas Jrs. E derrota aki tabata number 7 pa Aruba Jrs den ocho salida. Nan tin apenas un punto y ta ocupando e ultimo puesto.

Gobernador ta keda Aruba te majan

Oranjestad, 12 December.

Su Excelencia Gobernador di Antillas, mr. N. Debrot, kende a bin Aruba algun dia pasa pa asisti na e apertura oficial di e fabricanan di Barcadera, lo keda Aruba te Diahierne mainta. Diahuebs anochi, esta awe, lo e presencia e comedia di Maria de Serí Noka den e teatro na aire liber na Santa Cruz.

BISTIR PA PASCU

den un coleccion masha
precioso. Bin
escohe di bo
na tempo!

gran surtido

di zapato,

tas, sombre,

etc.

Ultimo novedadnan:

**BLOUSA DI SEDA DEN
BUNITA DISEÑO Y
COLOR.**

PALAIS ORIENTAL



E Cas Di Bo Sonjo na prijsnan practico



cu materialnan di construccion di calidad y na prijs atractivo, esey ta solamente na

PETRONA & CROES



**TIRA KLAPCHI GRATIS:
ANJA NOBO!!!**

Spera e lista cu mas detalles pronto! Tur loke bo mester haci ta spaar bo pakinan bashi di

— LUCKY STRIKE
— VICEROY
— KOOL
— PALL MALL

E cigarlanan cu ta garantisa bo placer den cada humada.

Agente:

Mario S. Arends N.V.

KING SIZE COCA-COLA



TA BENDE

Na prijs masha barata, pa motibo di viahe dentro di 4 dia. Buffet, mesa y stoel di comedor f. 350,--
Set di sala f. 125,--
1 stoel pa baby f. 25,-- (Stoel halto.)
1 Wieg pa baby f. 40,--
1 cashi pa baby f. 50,--
1 Box pa baby f. 30,--
1 Lampi di plafond pa kamer f. 15,--

Un radio-pickup combinacion f. 50,--

1 typewriter f. 60,--
3 paar di cortina pa sala f. 25,--
1 Cashi di remedi f. 15,--
Cortina y sobrecamas f. 20,--
Lampi di para f. 10,-- cada un.

Tur e articulonnan aki ta un anja bjeewu.

Pa inf: Acudi na Hansrudi Simon, Kas Paloma 9B.

TA SOLICITA

2 damas pa traha den Laundry.

Pa inf: Acudi na Basi-Ruti, of jama tel. 2222

TA BENDE

cash pa boeki
Dressoir
Mesa y 4 stoel di comedor.

Pa inf: Acudi na Tanki Flip 50, Tel. 1643 despues di 5' or

TA BENDE

1 Buffet, set di comedor, Aire-acondicionado, Auto, Flat,

Pa inf: Acudi na Amazonestraat 12, S.N. (Essoville) of jama tel. 7134

PANAMA STORE

Adolf Groder - San Nic

e adres na unda bo ta cumpra pa henter familia y ainda resta placa..... Especialmente pa PASCU nos a ricibi un lote grandi di mercancia nobo. Tambe nos ta bon surti den muebles pa drecha bo cas pa dianan di fiesta. Palabra ta poco, bini un ratu y weita pa bo mes!

RON DORADO ... SUPERIOR

PRODUCTO DE:

ARUBA DISTILLING CO.

Wilhelminastraat 47 - Tel. 1266

INIGUALABLE CINZANO



CINZANO
TA E BEBIDA
MAS DUSHI
DEN E CLIM/
AKI

CINZANO "RED (sweet)
BIANCO (white sweet)
and DRY"

Agente: E. & G. MARTIJN (ARUBA) LTD.

Sto. Domingo a sweep

serie di Volleyball

(Di nos Redactor Deportivo)

Durante e ultimo weekend a tuma luga na nos isla dos encuentro internacional di volleyball masculino. Diavie anochi e equipo visitante for di Sto. Domingo ariba cancha na Brazil a gana di e equipo campeon clase B di nos isla, Brazil, cu score di 3 game pa 2.

Diasabra anochi riba cancha di Estrella na Sta. Cruz e encuentran a continua: Promer a worde hunga un partido amistoso femenino entre Volley Stars Red y La Fama, encuentro cu a worde gana door di Volley Stars Red 2-0.

E anochi aki e Dominicanonan a enfrenta e campeonnan clase A, Rapid II.

Promer game cu score di 15 pa 11 ta worde gana door di e muchanan Arubano, pero pa 9, 12 y 13 nan ta perde e siguiente tres gamenan y asina e match. Un corto ceremonio a tuma luga promer cu e partido masculino consistiendo di discurso di e president di Aruba Volley Association Roy van Putten y tambe di e hefe di e delegacion dominicano Horacio Mazarra Castillo, kende ademas a viaha como representante di e Comité Olimpico di Sto. Domingo.

E hungador a worde presenta uno pa uno na e publico y luego Rose Bislick, madrina di Rapid a entrega un bouquet na e capitán di e representantenandominicano.

E himnonan nacional a clausura e acto promer cu e partido. Di e siguiente hungadornan e delegacion Dominicana tabata consisti: Franklin A. Messina Eustate, Victor M. Carrasco B., Miguel A. Lendor S., Miguel A. Zarter M., Juan Eligio For-

tuna M., Abraham Espaillet N., Nelson Americo de los Santos P., Jose A. Gonzalez B., Jose Fernando Ramirez, Fránsisco Estevez y Balbuena, Alberto C. Gonzalez, German A. Coradin M., Tabata e equipo di e Asociacion Deportivo Manuel Jesus Liriano

ENTREGA DI COPANAN

Despues di e ultimo wega, ariba invitacion di e president di A.V.L.,

e representante dominicano Horacio Mazarra, a haci entrega di e copanan na e clubnan local cu den e recien termina campeonato a obtene titulonnan di campeon La Fama; campeon masculino clase B Brazil, subcampeon Estrella; campeon femenino clase A La Fama, subcampeon Volleystars Red; campeon femenino clase B Fanny's Shop y subcampeon Brazil.



PA UN BON REGALO DI PASCU...
NATURALMENTE E MESTER TA UN REGALO

ELECTRICO!



Ainda no ta sigur

Ayera no tabatin un desicion ainda tocante di dunamento liber

NAN A BIAHA
NAN A HAYA



Si Bo cumpra

lo e muestra

E CAMINA PA DIOS
Y CON PA HAYA

Pa D.L. Moody

na:
LIBRERIA VICTORIA

Nassaustraat 78a - Tel. 2683

CHRISTIAN LITERATURE

CENTER

Lagoweg 2.

Publica pa

EDITORIAL EVANGELICA

Pos Chiquito, tel. 7023

(RADIO VICTORIA-Station bleuw)

na e schoolnan ariba Dialuna venidero en coneccion cu "Dia di Statuto", cu e anja aki ta cai ariba Diadomingo. Pero si ta conoci caba cu e celebracion oficial lo ta ariba Diadomingo. E programa cu a worde prepara y ta cla basta tempo caba no por a worde duna ayera door di Servicio Informativo di Gobierno, segun nos a worde informa.

CALIDAD SELECCIONA Y PRIJSNAN BARATA!

Si, DAMAS Y CABALLEROS, tur dia Zapateria Hartog ta ricibi modelonan nobo y ta pesey bo tin un surtido grandi na bo disposicion, di zapatunan moderno y mas elegante.

E mehor sorto di cuero, y zapatunan traha pa expertonan, especialmente pa duna e zapatunan di Zapateria Hartog e forma exacto pa fit bo pia y e calidad. Toch zapatunan di Hartog ta mas barata, gracias na e volumen di venta.

Pasa serca nos pronto, nos servicio ta eficiente y rapido y bo tambe lo bisa:

Tur Zapatu tin su pia, pero pa tur pia ta

HARTOG

tin e zapatu di mas mihor.

presenta pa cortesia di

ARUBA BOTTLING COMPANY

Kantoor Notaris W.F.M. Lampe

Aruba

TE KOOP

Verdeeld aandeel in grondconcessie 993 voorheen genaamd „Doorzicht,, te Paraguaná op Aruba, groot in haar geheel ong. 2,25 Ha.

Inlichtingen op voormeld kanton n de Zoutmanstraat No. 7 verkrijgbaar.

NESBITTS den varios sabor, e refresconan mas pidi y mas gusta na Aruba.

CISCO KID

1. "Basta un poco pa mi jega te na top... O, mira kien por ser."
2. "Cisco ta pusha cu su pia un piedra cu a cai."
3. "Eh! Bo a tende loke mi a tende? Si, ta bini un hendel"



A.S.B. TA ANUNCIA PLAY-OFF ENTRE 4 PA DICIDI TITULO

Directiva di Aruba Softball Bond a participa den curso di e siman cu a caba cu pa dicidi e clubnan cu ta campeon y subcampeon di softball masculino di nos isla, lo mester worde hunga un play-off finale consistiendo di dos round entre e cuatro equiponan cu ta mas ariba despues di e promer round completo. Manera nos a yega di informa caba a termina den promer puesto di e campeonato den un forma indiscutible como esun di mihor e novena di Aruba Jrs. E otro tres equiponan cu lo por participa den e parti finale awor di e campeonato ta Paxton Clippers, douane y Los Novatos. Asina ta cu entre e cuatro teamnan aki lo mester worde hunga dos round pa dicidi ta cualnan lo ta campeon y subcampeon di nos isla. E tres clubnan Clippers, Douane y Novatos a termina e promer parti di e competitie den e segundo puesto hunto cu San Nicolas Stars, pero e equipo ultimo menciona aki a resolve e problema ora cu nan a participa e directiva di A.S.B. cu nan no ta interesa den hunga e playoff entre cuatro-nan mas halto. Esaki a haci cu a resta e tresnan Clippers, Douane y Novatos pa midi forza ainda cu Arub Jrs.

Pa hopi incluyendo nos, e anuncio di un playoff entre e cuatro equiponan di mas halto a cai un sorpresa grandi. Den ningun di e programanan publica door di e directiva di Aruba Softball Bond a worde haci mencion di e playoff. Ni tampoco a posibilidad di e playoff a worde menciona den e reglamentonan di e competitie.

Nos a acerca president di Aruba Softball Bond Francisco Rincones ariba e problema cu ta un actualidad den e circulan di softball puntrando ta com bin ta awor directiva ta anuncia e playoff. E contesta tabata cu ya na luna di augustus 1963 den e reunion general di Aruba Softball Bond a worde hunga den e forma cu awor ta sosodiendo. Promer ta hunga un rond di tur e equiponan y luego dos rond entre e cuatro equiponan mas haltoden e promer rond general.

Verdad ta cu e decision aki di e reunion general no a worde publica riba e programan ni tampoco den e reglamento di competitie, pero esaki no ta des-haci e decision ey, e president di Aruba Softball Bond a prosegt. Luego nos a puntra e president aki si tur club afilia na A.S.B.

cu a tuma parti den e campeonato tabata representa den e reunion general ey.

"No, tabata falta dos equipo, nan tabata Aruba Jrs y Paxton Clippers," Sr. Rincones a contesta nos.

Di parti di directiva di Aruba Juniors, equipo cu a hunga e promer parti di e campeonato den forma magnifica superando su contrarionan uno pa uno, nos a ricibi copia di un carta manda pa directiva di Aruba Softball Bond, den cual Aruba Jrs ta participa tambe cu bao di e actual circunstancianan nan lo no tuma parti den e playoff. Den e carta ta worde menciona un articulo di Huisshoudelijk Reglement di Aruba Softball Bond, number 34, cu traduci na paplamente ta bisa lo siguiente:

"Campeon di Aruba ta e club cu den e mas halto competitie na final di e temporada ta ocupa e promer lugar.

Den caso cu e clase mas halto ta consti di mas di un diviston, anto directiva lo dicidi e forma y condicionnan den cual e weganan pa e campeonato lo worde hunga.

Segun e carta di Aruba Jrs e

competitie a worde hunga caba ora cu tur e equiponan a enfrenta otro un bta.

Directiva di A.S.B. sin embargo ta opina cu e articulo no ta menciona com e competitie mester ta, esta di un rond, di dos, of di uno completo y dos parcial manera a worde dictadi den e reunion general. Asina ta cu e directiva di A.S.B. no ta mira un infraccion di e regla 34 di Huisshoudelijk Reglement ora cu e campeonato worde hunga den e forma aproba door di reunion general.

Kiko ta pasa si Aruba Jrs mantene su punto di vista y keda sin participa den e playoff? Nos a puntra e president di A.S.B.

Ta duel mi masha hopi si Aruba Jrs keda sin competi den e parti final aki di e campeonato. Especialmente pa motibo di e forma excepcional den cual nan a hunga durante e rond general. Pero si nan no tuma parti e-saki no por nifica nada otro cu nan mes ta ttra nan bon chensnan di bira campeon afor. Sin embargo mi ta spera cu nan lo realisa cu e dos rondnan final aki ta completamente legal y cu nan lo participa," Sr. Rincones a contesta nos.

Tur cos ta indica cu ta surgiendo un otro incidente of mal comprension desagradabel y desfavorabel pa deporte di Aruba.

Nos por comprende completamente e sentimento cu ta surgi den seno di Aruba Jrs ora cu nan a worde informa di e dos rondnan final di playoff. Nan a hunga henter e promer rond general den un forma excepcional superando den forma convincente cada un di nan dies rivalnan.

Directiva di A.S.B., cu meskos cu 9 di e teamnan participante tabata na altura di e decision di reunion general pa hunga dos rond entre cuatro, pero directiva a falla ora cu nan a keda sin menciona esaki den e reglamentonan di competitie.

E dos equiponan cu no atende e reunion general, ni e asociacion di umpires, ni prensa tabata na altura di e decision aki. Pa tur esakinan tabata un sorpresa ora cu nan a worde informa di e playoff.

E todo caso e asunto a yega awor na un interpretacion di e reglamento 34. En realidad no ta menciona ey den com e competitie mester worde hunga, loke pues ta haci cu e decision di e reunion general no por ta contra di e reglamento. Un competitie ta un serie di weganan general pa un titulo di campeon. E serie di weganan naturalmente por worde hunga den hopi forma.

Nos ta opina anto cu aunke directiva a falla di a participa debidamente di e importante decision ey, e decision di reunion general mester worde respeta y e-hecuta.

Ta parece nos consehabla pa Aruba Jrs cambia di opinion y participa tog den e dos rondnan final di playoff. Nan a demostra claramente caba cu nan por supera cada un di e tres equi-

ponan cu nan lo tin di enfrenta y nos no ta mira ningun clase di duda cu nan lo por ripiti e hazanja di ganatur nan weganan restante. E playoff ta anuncia pa cuminza Dia Razon anochi dia 11 di December den Wilhelmina stadion. E promer wega lo ta entre Aruba Jrs y Paxton Clippers y e segundo entre Douane y Los Novatos.

Pa BOEKI DI „SONJO“, na spanjo y ingles cu interpretacion di number di suerte.....

„NICOLAAS STORE„

Tel...5385 - San Nicolas

Facil triunfo di R.C.A.

riba Juv. Millonarios

Apesar di un wega di futbol cu tabata basta abao di nan nivel normal, e muchanan di R.C.A. diamars anochi a obtene un facil triunfo riba e equipo di Juventud Millonarios.

E victoria number siete aki a bolbe pone R.C.A. so den promer lugar cu dos punto di ventaha ariba Dakota, pero tambe cu un wega mas hunga cu e dakotjonan. Actualmente R.C.A. tin 14 punto riba su nomber y Dakota 12. Pa e millonarianan esaki tabata derrota number cuater den ocho salida. Nan tin awor 7 punto.

Mas o menos 25 minuut di wega tabata tin hunga ora cu linksbinnen Juchi Jansen di R.C.A. ta anota e promer gol di wega. E ventaha minimo aki di R.C.A. a worde seriamente amenaza den d 36 minuut ora cu un pinalty a ser concedi na Juventud Millonarios. Hildo Jacobs a cobre pero su shot a bai directamente den curpa di keeper Fekki Caster, kende a taha e bala sin problema.

Na halftime e score tabata ainda 1-0 den favor di e tricolornan. Juventud Millonarios ta haci na principio varios diferente atake peligroso. Den di 10 minuut uno ta resulta existoso. For di aladrech Allee ta haci bon voorzet cu midvoor Hildo Jacobs ta contra lastra aden net bao curpa di keeper Caster pa empata e partido na un gol pa banda. R.C.A. ta hita e bala cu hopi frecuencia ariba e mitad di tereno di nan rivalnan, pero falta di coordinacion entre e delanteronan y tambe mal pasenan ta caba cu nan propio atakenan.

Den di 18 minuut di e segundo tempo R.C.A. ta bai adilanti atrobe. E blaha aki ta for di un voorzet largo ta presenta un chens pa Yonko Alberts, kende ta rush aden y schuif e bala net for di alcance di keeper HENRY Kock pa pone e score 2 pa 1. Un tremendo shot di Foylto Alberts den di 27 minuut despues di ricibi un pase di su ruman Yonko, ta rebota fuertemente contra di e tubo di gol bin back den tereno. Un di e poco blahanan cu e delanteronan di R.C.A. ta forma un bon combinacion ta den di 36 minuut. Jose Boye hungando e posicion di rechtsbuiten ta haci pase a Dolfi Jansen, kende ta entrega e bala na Yonko Alberts y esaki ta corona e trabao cu un shot den skina pa aumentata e ventaha di su team te na 3 pa 1.

Y cuater minunt mas laat Yonko Alberts ta completa e hatrick pa e anochi ey ora cu un pifia di e defensa di Juventud ta habrichens pa Boye domina e bala. E ta haci pase pa Yonko Alberts cu ta den mihor posicion y esaki ta shot duro pa pone e score awor 4 pa 1.

Cu e score aki na favor di R.C.A. e partido ta caba. Tabata un partido di poco emocion y di hopi pifia. Un futbol cu a laga hopi di desea.

RIP KIRBY

1. "Bo tin cu admiti, kio, cu e sr. Escorpio no a parce tras di e palmanan na Puerto Moro." "Mi ta admitti, Julia."
2. "E tempo tabata asina malo, cu e radio-operador mester a drumi, y a perde e barco."
3. "Pero papá a resolve e problema. Ese ta e nobo cu el a contrata."



JAN BODEGOM & CO (Aruba) N.V.

TEL. 1284 - 1402

agente exclusivo di FRIESCHE VLAG lechi evaporado y lechi en polvo

MAXWELL HOUSE KOFFIE

AGENDA

Diahuebs 12 di Dec

De Veer 6.00 p.m. "Lad a Dog"
 al 8.30 p.m. "The Mark" 18 j
 Rialto: 8.00 p.m. "Soy charro
 del rancho grande" all
 Principal: 8.00 p.m. "Mad dog
 Coll" 18 j
 Aurora: 8.00 p.m. "The Mill
 of the Stone Women" 18 j
 Savaneta: 8.00 p.m. "Experi-
 ment in terror" 18 j.
 Vrijdag 13 Dec:
 De Veer 8.30 p.m. "Als het
 lange koren rijpt" 18 j
 Rialto: 8.00 p.m. "El Avion
 Cohete" all
 Aurora: 8.00 p.m. "It's only
 money" all
 Savaneta: 8.00 p.m. "The dead-
 y companions" 18 j.

STOWAWAY FOI CUBA

Georgetown, 10 Dec. Un hoben
 y un dama desendiente di Cuba,
 qu scondiendo abordo di un bapor
 libanes a spera di llega Florida,
 lo mester continua qu e bapor
 durante su viahe pa Hapon. Nan
 a descubri e personanan aki, ora
 qu e bapor tabata dos dia rfoa
 laman di caminda pa George-
 town despues di a sali di Cuba.
 Diabierne nan a tenen na Geor-
 getown, pero nan no tin mag di
 keda Guyana Ingles. Nan ta spera
 di por subi abordo den un o otro
 haf amable pa asina por sigui toch
 nan viahe pa nan famlanan na
 Florida.

OFERTA ESPECIAL DI LA PRINCESA

MUEBLES DI CALIDAD PA DUNA BO CAS PRESTIGIO



- * SET DI KAMBER lombrá di Alemania
- * SET DI SALA di Alemania
- * SET DI COMEDOR, mesa cu 8 stoel
- * CAMA DI 2 PERSONA, box spring cu matras
- * MATRAS grandi
- * SPRING grandi
- * CASHI DI CAMBER cu 3 porta
- * STOEL color mahok

ANTES	AWOR
f. 1650,--	f. 1299,--
f. 695,--	f. 525,--
f. 395,--	f. 299,--
f. 350,--	f. 249,--
f. 115,--	f. 89,--
f. 45,--	f. 39,--
f. 350,--	f. 279,--
f. 8,50	f. 7,50

E oferta aki ta especialmente pa temporada di Pascu y ta dura te dia

18 di December venidero.

condicion di pago FACIL, SIN NINGUN INTERES EXTRA!

Haci nos un bishita awe mes na: LA PRINCESA, dilanti Panama Store na San Nlc.

ARUBAANSE COURANT

diariamente cu excepcion di
 diadomingo

subscription f. 3,25 pa luna
 edicion los 20 ct.

edita pa:

N.V. Arubaanse Druk-
 kerij - en Uitgevers-
 en Publiciteits Mij.

imprimi na:

N.V. Drukkerij

„de Stad,,

Theaterstraat 11, Willemstad Cu-
 racao.

Telefoon 1116 Directiva

y redaccion, 2116 Anun-
 cio y subscription.

Directeur hoofdredacteur:

D. Wolff.



Huur di cas a subi mas

Oranjestad, 12 December.

E echo, cu segun informacion-
 nan manera cu por worde hanja
 den e publicacionan regular di
 Statistiek en Planbureau, esta
 cu e prijsnan di huur a keda
 nescos desde 1956, tabata moti-
 u pa e miembro di Staten drs.
 W. de Beer pa haci Gobierno
 pregunta por escrito tocante di
 esaki. El a puntra cuanto e pro-
 medio di huur na Antillas a su-
 bi desde 1956 y pakiko, si en-
 berdad e huur promedio a subi,
 e subimento aki, no a worde
 trata den e informacionan publi-
 ca di Statistiek -en Planbureau.

E contesta di e Ministro ariba
 esaki tabata:
 Desde 1 di januari 1956 e situa-
 cion di casnan na Corsow a me-
 hora hopi. Un gran parti di e po-
 blacion probablemente a bai bi-
 ba mihor y mas caro. E pris-
 index pa huur di cas den e
 indices di costonan di bida a
 keda mescos te awe ariba 100%.

Segun informacionan di Statis-
 tiekbureau e gastonan di bida y
 estimulanten na fin di okto-
 ber 1963 compara cerca Januari
 1958 a aumenta cu 10,7 porcien-
 to. E aumentacion di December
 1962 compara te cu oktober ul-
 timo ta 3,9 porciento. Un aumen-
 tacion dentro di un anja di mas
 cu 3% pa di promer blaha a
 worde nota na 1957. Na Corsow
 e mes un gastonan na oktober
 ultimo compara cu 1958 a au-
 menta 7,1 porciento, mientras
 cu den e promer 10 luna di e
 anja aki esaki a aumenta unica-
 mente 2,7 porciento. Reparable ta
 e bahamento di gastonan di pan-
 ja na Aruba den e promer 10
 luna di 1963 cu 0,4 porciento y
 na Corsow cu 1,0 porciento.

Pa caballeros cu pia hanchu HARTOG a ricibi
 awe for di Italië un surtido extra grandi den mo-
 ccasin y cu veter na hanchura EEE, di e famoso
 marca URSUS.

Toch e zapato aki ta elegante, durable y no cara.
 Tambe e berdadero moccasin pa fl. 15,90 den un
 calidad cu ta bal mucha mas.

Pesey no warda pa ultimo dia, bishita Zapateria

HARTOG awe mes y convence bo mes.

Tur Zapatu tin su pia, pero pa tur pia ta

HARTOG

tin e zapatu di mas mihor.

Esaki ta e conjunto cu
 cual e directiva di Ti-
 voli Club na Aruba a
 firma un contract pa a-
 nimacion di fiestanana
 fin di e anja aki y na
 tempo di Carnaval na
 Tivoli. Aki ta trata di
 Conjunto Curacao, cu lo
 toca dia 31 di December
 venidero y promer di ja-
 nuari den e club men-
 ciona.

Gezaghebber

a bai Merca

Ayera a sali pa Merca Gezag-
 hebber O.S. Henriquez kende lo
 bai haci un blaha priva di 12
 dia na Estados Unidos. Durante
 e blaha aki lo e ta acompaña
 pa su esposa. Durante e ausencia
 di Gezaghebber Henriquez, depu-
 tado I.S. de Cuba lo ta encarga
 cu e trabaoan.

Premiere di "ALLEMAN"

premiere pelicula di
 Oranjestad, 12 December.
 Bert Haanstra su pelicula di mas
 nobo "ALLEMAN" dia 19 veni-
 dero lo bai den premiere na Hu-
 landa, Surnam y Antillas. E pe-
 licula lo worde muestra en con-
 neccion cu e Conmemoracion di
 150 anja di existencia di e Rei-
 nado.
 E distribucion comercial na An-
 tillas ta na encargo di e Com-
 pania di Teatro Cinelandia N.V.

MARATHON

DI EEG

Bruselas, 10 Dec. Ayera mainta
 a cuminsa na Bruselas bou di
 presidencia di ministro Biesheu-
 vel e sesion di marathon dje con-
 seho ministerial dje comunidad
 economico europeo. Te 21 di de-
 cember ministernan dje sets qu
 interrupcion durante fin di siman,
 lo conferencia durante 10 dia pa
 trata pa tuma prome qu fin dian-
 ja un cantidad di desiclionnan im-
 portante riba terreno di agricul-
 tura.

Dia di Reinado na Bonaire

Kralendijk, 12 December.
 Bestuurscolle ge di Bonaire a
 nombra un comité cual lo ta en-
 carga cu e preparacionan pa
 fiestamento di Dia di Reinado.
 E comité ta lo siguiente:
 presidente señor L.A. Abraham
 vice-presidente „ C.D. Crestlan
 secretario „ H.R. Nicholson
 tesorero „ F.C. Martis.

Directiva nobo di Y'Men Club

San Nicolas, 12 December.
 Ultimamente e miembronan di
 Y's Men Club na San Nicolas
 a elgi un directiva nobo pa e an-
 ja venidero. E personanan cu
 a worde elgi ta lo siguiente:
 Henry Brown, presidente; Eugè-
 ne Beyde, vice-presidente; Gar-
 rry de Freitas, secretario; Ra-
 fael Hodge, tesorero; miembron-
 di directiva, L. Roberts,
 Leslie Lejuez, Parker Lake
 y Carlos Bisilp. Dia 17 venidero
 e rifa tradicional pa Pascu di
 Y's Men Club lo hunga. Di-
 ferente macutan pa Pasco y
 un televisor lo worde rifa. Se-
 gun informacion tin algun
 carchinan ainda cu ta obtenibel
 cerca e miembronan di Y's Men
 Club. E suma cu worde colecta
 for di e rifa lo ta pa e trabaoan
 social di e club.

AWOR! PROMER CU PASCU YEGA!

Den dianan di fiesta tur hende kier pa nan cas mus-
 tra lo mas bunita posibel. P'esei, ser sigur cu bo cas
 lo worde gevef cu e famoso pintura Latex di

SHERWIN WILLIAMS.

Aruba Trading Company

Weststraat 15 — Tel. 1930





Senjorita Dorilia Habibe Reina di Deporte 1963, cu un sympatica sonrisa y acompaña pa senjor Milo Croes (robes) presidente di Sport en Sociale Vereniging Arubaanse Posterijen, ta shobel a promer mesay wega di domino diasabra anochi cual a worde organisá door di e club mencioná. E toernooi aki ta entre e diferente departamentonan di gobierno. Dia 14 venidero e ganador lo ricibi un copa na R.C.A. club durante un pic-nic dansant.

Na e isla Hulandes Ameland Actualmente ta tumando lugar boramento pa petroleo door di diferente companianan. Aki un bista di e trabaonan di boramento.



F.L. Torresi; president I.D.I.:

"Juancho Yrausquin who perhaps more than any other could call this 'his project'".



Aki Su Excelencia Gobernador di Antillas N. Debrot a caba di ricibi un album cu stamplanan especial cual a worde traha na aña 1963 den 150 pais den e kader di Freedom from Hunger Campaign. E album aki cu a worde entrega na e gobernador pa ministro L. Beaujon na nom-

ber di director-general di FAO, a worde entrega e aña aki na ocasion di e di 15 anja di Declaracion Universal di Derechonan Humano na tur hefenan di Estado. E fecha di entrega esta dia 10 di December ta e dia cu ta worde yama Human Rights Day, e dia cu 15 anja pasa e Declaracion Universal di Dere-

chonan Humano a worde aproba door di Nacionan Uni. Na e acto di entrega aki cu a tumar lugar Diamars mainta 11'or de Aruba Caribbean Hotel tabata presente e.o. ministro E. Petronia, premier E. Jonckheer, ministro C. Kroon.

Bo Horoscopo Persónal

HOPOSCOPE 10 december 1963.
ARIES 21 Maart - 20 April.
 Bo por tin un deseo fuerte pa de-
 liberacion pero tene ciudao cu re-
 trazonan. Tene cuidao den contacto-
 nan cu sernan queri.



TAURUS 21 April - 21 Mei.
 Tambe qwe bo por tin hopi cos
 di hasi ainda. Deshaci di loke no
 ta importancia y tuma poco sosiego
 mas den anochi.

SAGITARIUS 23 November - 21 Dec.
 Bo plannan di awe por word cam-
 bia door di otronan. No spera mu-
 chu cooperacion pa bo ideanan, pero
 keda optimista.



GEMINI 22 Mei - 21 Juni.
 Hopi cos chikitu por tene bo atras
 awe y brula bo programa of causa
 retrazo. No desvia di loke ta mas
 importante, concentra bo mes.

CANCER 22 Juni - 23 Juli.
 Awe bo situacion financiero ta exi-
 gi extra atencion i controla bo gas-
 tonan y trata pa economisa mas.

CAPRICORNIUS 22 Dec. - 20 Jan.
 Investiga bo asuntonan financiero
 bon awor. Traha un presupuesto
 y tene bo na esey; ta hopi nece-
 sario pa bo.



LEO 24 Juli - 23 Augustus.
 Otronan facilmente por hanja un im-
 presion robes di bo awor. Tene
 cuenta cu esey den tur loke bo
 hasi.

VIRGO 24 Augustus - 23 September
 Bo por hanja bo dilanti problema-
 nan cu mester soiuciona un bes.
 No pospone, tampoco laga asunto-
 nan atrasa acumula dimas.

AQUARIUS 21 Januari - 19 Februari
 Asuntonan di un persona stimá ta
 hanj preferencia. Bo por hanja
 bo dilanti reaccionnan menos favo-
 rable, no forza nada.



LIBRA 24 September - 23 Oktober
 Lo ta un error si bo duna mucho
 atencion na bo bida social y ami-
 gunan awo. Concantra bo mes riba
 bo debenan.

SCORPIO 24 Oktober - 22 November.
 Acento ta cal awor riba asuntonan
 di negoshi y responsabilidadnan in-
 evitable. Tene pasenshi y muestra
 comprendimentu.

PISCES 20 Februari - 20 Maart
 Tambe awe acento mester keda
 riba bo trabao y debenan, pasobra
 e opinion di otronan tocante bo pr-
 sona ta depende di esey.

SOLAMENTE DIEZDOS DIA MAS....

y ta PASCU.

Pakiko spera te na ultimo ora, si bo tin
 mehor oportunidad actualmente pa schohe
 for di nos enorme surtido di tur clase
 di zapatu.

Ainda nos por spacha bo cu tur comodidad. Pa
 damas, caballeros y mucha nos tin e surtido
 di zapatu mas grandi jamas visto na Aruba.

Bishita Zapateria Hartog awe mes, y bo
 tambe lo bisa

Tur Zapatu tin su pia, pero pa tur pia ta

HARTOG

tin e zapatu di mas mihor.

STATEN VAN DE NEDERLANDSE ANTILLEN

Plechtige openbare vergadering

op

zaterdag, de 14de december 1963,

des voormiddags te 9 uur

ter herdenking van de Koninkrijksdag.

De Griffier der Staten,

F.D. VAN GRIEKEN.

UMPLEAÑOS

7 di Dec. a slaag pa su e-
 men di typ, Ivenia Alida Jo-
 fina Quijada, cu tin 11 anja,
 leitacion ta bini di su mama
 Annela, tata Julio, y di tur su
 manan.

11 di Dec a cumpli 1 anja
 senyor Rosendo y Maria Croes
 forma enlace matrimonial, fe-
 licitacion ta bini di nan mama-
 na, Antonia y Marcela, tata-
 na Pedro y Cleto, rumannan -
 nuelis, Candido, Vicente, Lui-
 Carmen, Anna, Bertha, Sara,
 Pina, Clemencia, Coleta,
 edano, Alejandro, Thomas
 ti, comer y compernan, tan-
 y emonan, primo y primanan,
 demas famia Croes y Werle-
 an y tambe di e team di Sport
 ys cu ta pasa vacacion na Co-
 mbia.

12 di Dec ta cumpli
 anja e chiquitin Stanley Hen-
 sus felicitacion ta bini di su
 Felix, mama Imelda, ruma-
 na Jacobo y Hubert, welonan
 enchi y Eusebio Ras, wela-
 na Martina y Catharina Ras,
 ta y omonan, primo y pri-
 manan, especialmente di su bi-
 wela Antolina Thijssen y de-
 as famia Henricus, Ras, Thijs-
 Gomez, Lampe, Boekhoudt,
 oes y Wernet.

EXPEDISION

Haag, 10 Dec. Asamblea
 ional di Nacionnan Uni según
 a anuncia nos di fuente di
 ionalnan Uni na Den Haag, lo
 ni awe tardi den un sesion
 eial en ocasion dje di 15 ani-
 sario di proclamacion di de-
 ionalnan humano.

PEPITA




pa cortesia di:

Antillian Hardware Co

E mehor adres pa VERF, KWASHI, TUR CLASE DI HERMENT, articulos sanitario.

BUCHI ROBEZ



presenta pa cortesia di: **REFRESQUERIA INGRID** TEL. 1849
 * e mehor adres pa snacks, tur clase di dushi, softdrinks, ice-cream y revistas

NOS CARTANAN PA SANTA CLAUS



SIRA HELDER

Sinterklaas con ta bai, Zwarte Piet con ta bai. Sinterklaas mi tin gana di mira bo. Mi no a bai school pasombra mi tabata malo, mi tabata tin kintura i sarampi cu mi no por a lanta come mes. Y mi a haja bo regalo si. Masha masha danki. Sinterklaas a pidi mi scirbi. Arubaanse Courant. Pa pidi sinterklaas un regalo. Wel Sinterklaas mi tin gustu di hanja un kerstboom chikito cu su balanan pa mi dorne bunita sina. Anto mi ke un bolo di pasco. Sinterklaas mi ta hasi anja dia 11 di december mi tin gana di hanja un radio chikito pa mi scucha kantica di Sinterklaas. Pasombra nos radio di bateria a

danja i nos no tin coryente tampoco. Sinterklaas aki mi ta stop cu mi carta. Masha danki Sinterklaas.

Number Sira Helder Tankileendert No 39.

Apreciable Santa Claus,

Cu mucho gusto mi ta scirbi Santa Claus un carta sperando cu Santa Claus ta goza di un perfecto salud. Santa Claus mi ta mashar contento cu Santa Claus pasombra bo ta duna nos tur un regalo. Santa Claus mi ta gusta di hanja un cos cerca Santa Claus. Mi ta gusta di hanja un bala.

Rodriego
semerel, Noord 25, Aruba N.A.

For di diahuebs cu nos a anuncia cu Arubaanse Courant a worde proclama como un station intermedario pa Santa Claus pa mandamento di post pa kestman, nos a hanja e prome cartanan aden. Esaki ta esnan cu nos a druk akinan. Apesar cu tabata permiti, e muchanan cu a manda carta no a manda nan potret huntu. Di tur manera nos a manda e cartanan directamente pa e kerstman cu ta biba na Noordpool. Y awor e muchanan mester carga poco poco e speranza cu e kerstman lo corda riba nan.



Apreciable Santa Claus

Santa Claus conbay, ami ta bon, mi ta haya Santa Claus, mashalief cu tur mucha mag pidi Santa Claus un regalito. Santa Claus mi ta biba na Noord 25 mi ta den 3de klas. Santa Claus mi kier pa Santa Claus trece pa mi un popchi cu wieg mi ta gusta popchi mi tin un pero el a ki-bra anto Santa Claus trece un cacho of un poesji di hunga pa mi ruman homber di 4 anja. Mi ta spera cu mi no a pidi Santa Claus hopi. Y mashar danki Santa Claus.

ELSA Semerel.

Estimado Santa Claus. Aki mi ta tuma es potlood aki na mi man pa mi haci Santa Claus dos letter, mi no por scirbi cu pen. Mi a lesa den Arubaanse Courant cu Santa Claus ta parti regalo pa muchanan awor mi ta pidi Santa Claus trece un bicicleta pa mi esey ta mi deseo.

Mas nada.

Jovencito Adrian Velazquez. Ponton 101.

7-11-63
Oranjestad

Morro, bon dia, bon nochi Santa Claus pasombra mi no sabi ki ora e carta ta yega den Santa Claus su man. Mi ta inicia mi carta cu un cordial saludo pa Santa Claus i pa su representantenan aki na Aruba.

Mi a lesa den Arubaanse Courant cu e aña aki Santa Claus ta parti regalo, i mi ta masha anhelar na un recuerdo di Santa Claus.

Mi ta spera cu Santa Claus lo cumpli cu mi deseo, i manda mi un regalo cu mi ta aprecia masha i cu nunca lo sali foi den mi memoria.

Mi deseo ta pa mi hanja un popchi grandi un gordo.

Awor mi ta bai terminna deseando Santa Claus tur loke ta bon i danki di antemano.

Ajoooo Santa Claus, no lubida ariba mi.

Saludos

Mi number ta: Evelyn Jansen, Paradera No. 40. Aruba N.A.

Si e muchanan di nos abonadonan tin deseonan especial cu nan kier laga kerstman sabi, nan por manda nan cartanan pa Arubaanse Courant. Esaki lo manda e carta door na Noordpool. Si nan ta basta bunita, nan lo worde publica huntu cu un potret chikito di esun cu a mandé, den corant.

